

INUIT ATAQATIGIIT INATSISARTUNI



UPA2022/109 & 136

30. Marts 2022

Kristian Jeremiassen

Tasiilami erngup nukissiorfiup allilernerqarnissaanik Naalakkersuisut peqquneqarnissaannik siunnersuut.

(Inatsisartunut Ilaasortaq Harald Bianco & Knud Mathiassen, Inuit Ataqatigiit)

Tasiilami erngup nukinganik innaallagissiorfik allilerniarlugu nukissiummik nutaamik innaallagissallu aqqutaanik pilersitseqqullugit naalakkersuisut peqquneqarnissaannik inatsisartut aalajangiif-figisassaattut siunnersuut.

(Inatsisartunut ilaasortaq Lars Poulsen, Siumut)

Tasiilami erngup nukissiorfiata allilernerqarnissaat pillugit aaliangiiffingisassatut siunnersuutit imaattumik Inuit Ataqatigiinniit oqaaseqarfingissavangut:

Siullermik siunnersuuteqartut Harald Bianco & Knud Mathiassen, Inuit Ataqatigiit aammalu Lars Poulsen, Siumut siunnermuummik pisariaqarluinnartumik saqqummiussaqaarnerat Inuit Ataqatigiinniit qutsvingivangut.

Nuna minguittoq, nuna neriniarfissapput mingutserneqanngittoq, nuna kinguaatta ingerlateqqitassaat siunissamut isingisumik aningaasaliiffingisariaqarparput, soorlu Naalakkersuisut nutaat taamatut pimoorullugu suliassamik aallartitsereersut Qasigianguit Asiaallu erngup nukissiorfiliorfineqarnissaanut taamatullu Nuummi utoqqarmiut kangerluarsunnguit allileriffinginissaanut.

Naalakkersuisooqatingiinnissamut isumaqatingiissummi tunngaviusumik isumaqatingiissut qulequtaqarpoq Nammaqatingiinneq, patajaassuseq, siuariar-torneq.

INUIT ATAQATIGIIT INATSISARTUNI



Tamanna tunngavingalungu nunarsuatsinni uuliamik nunatsinnut eqqusuinerput annikillisinniarlungu Inatsisartuni siunnerfeqaqatingiippungut, uuliamik eqqussuineq ingerlaannassappat siunissamut aningaasaliinerungilaq nunatsinnilu periarfissaqarluni mingutitsinngittumik nukissiuutinik periarfissinissaq.

Uulia qaqungorsuarmut eqqussuutiinnassangutsingu akissaqanngilangut, nunarsuarmi akit allanngorartut sunniuteqarfingisinnaanngisangut peqataaffingiinnarsinnaanngilangut erngup nukissiorfiliornissamut periarfissaqartilluta.

Inuit Ataqatigiit pingaartipparput pinngortitaq minguittoq, pinngortitarmi minguittuuppat imeq, uumasut inuillu peqqissumik inuuneqassapput, ulluinnarni pingaaruteqarpoq pinngortitap mingutsinnginneqarnissaa.

Inuunitsinnimi pinngortitaq minguittuunissaa pisariaqarpoq nukiillu nammineq pilersissinnaa-sangut atorluarnissai pisariaqarpoq. Uulia avataaniit eqqusuuttuartillungu pinngortitaq mingutsertuassavarput aningaasallu avataanut aniatillugit siuariar-tornissatsinnut ajoqutaasumik.

Tasiilap nunataa kusanarluinnartog, asseqanngitsoq, mingutsineqassaaq uulia eqqusuuttangarput annertusassangutsingu, pingaaruteqarporlu erngup nukissiorfiata allilernerneqarnissaa siunissami ineriartornissamut piareersassangutta.

Inuit Ataqatigiit ilisimavarput aningaasaliissuteqanngikkuta Tasiilami erngup nukissiorfiata allilernissaanut inuiaqatigiinnut tasiilamilu innuttaasunut akissusaqaaq, oqaannarsinnaasariaqarpungut ataatsimoorfingalungalungu erngup nukissiuutinut aningaasaliineq tassaasoq kalaallinut inuiaqatigiinnut akikinnerpaaq pitsaanerpaarluta.

Tasiilami erngup nukissiorfiata mikivallaarnera ajornartorsiut piuvoq, tasiilami innuttaasut kallerup inneranik atuillualeraangata erngup nukissiorfia artorsaler-

INUIT ATAQATIGIIT INATSISARTUNI



tarpoq qulliillu tamittarlutik, siunissami illoqarfik aalisarnikkut suliffissuaqarnikkullu ineriartortitsinissamut killilersuivoq erngup nukissiorfiata mikivallaarneranut.

Suliffissualiortoqassappat tunumilu pisuussutit atorluarnerunissaanut nunatta pissarititaanik ingerlatsisoqassappat tasiilami iliuuseqartariaqarpungut erngup nukingata allineqarneratigut.

Erngup nukissiorfiata qamittoorneranik elværk-i mingutitsitsisoq uuliamik ingerlatilik atorpeqartarput, uulialu nunatta avataanut pisiarisarparput naak erngup nukissiorfiata allineranik nunatta pin-ngortitaata pisuussutai atorluarsinnaangaluarungut.

Inuit Ataqatigiit isumaqarpugut tasiilami erngup nukissiorfiata allineqarani taamatut inissisimatiinnarlungut akissaqanngittungut. Akissaqanngilangut iliuuseqarata uuliamik eqqussuiinnarnissatsinnut.

Nukissiuutit mingutitsinngitsut nunatta aningaasaqarneranut siunissaapput, imeq minguittoq pingivarput inuiaqatingiit atorluarsinnaasarput uuliamik eqqussuineq annikillisikkutsingu nunatta aningaasaqarneranut iluaqutaassaaq ineriartortitsinissatsinnullu periarfissaqalissalluni.

Siunnersuutit saqqummiunneqartut tasiilami erngup nukissiorfiata allilerneqarnerissaanut Inuit Ataqatigiinniit akuerivangut.

Tasiilami erngup nukissiorfiata allilerneqarnerata kingorna suliffissuaqarnikkut mittarfeqarnikkut periarfissat siunissami annertunerulernissaat tasiilamilu pisariaqartitsinerup qulakkeerneqarnissaa Inuit Ataqatigiit pingaartippaat taamaattumik siunnersuut akueralugu sanaartornermut ataatsimiititaliamut ingerlateqqipparput.

Qujanaq.